

古今醫史

古今醫史卷之二

古吳浩然子王宏翰惠源甫著

兄

王楨寧周甫泰

弟

王雲錦宏駿甫訂

男

兆文聖來

兆武發校

晉

王叔和

王叔和高平人仕晉為太醫令博學經方尤精診候洞識
損養之道明遠療病之機採摭群書撰成脉經十卷編次

古今醫史

卷之二

晉

張仲景傷寒方論十卷金匱玉函經三卷 宏翰按宋高
保衡孫奇林億等奉詔校正金匱玉函經序曰仲景為傷
寒雜病論合十六卷今世但存傷寒論十卷雜病未見其
書翰林學士^王洙在館閣時得仲景金匱玉函要略三卷也
再按脉訣一書乃六朝人高陽生偽撰竊託叔和之名也
其仲景傷寒論一書雖叔和編次有功不應將己之序例
擅列于首以致明人王安道倡議方有執條辨清人俞嘉
言鄭郊倩終責其僭越錯綜之論宏翰已於醫籍考內
詳論分晰矣

李子豫

李子豫少精醫方當代稱其通神時許永為豫州刺史其弟患心腹痛千餘年殆死忽一日夜間自屏風後有鬼謂腹中鬼曰明日李子豫汝比過以赤丸殺汝其死矣腹中鬼答曰吾不畏之于是使人候子豫豫果至未入門患者自聞腹中有呻吟聲及子豫入視之謂鬼病也遂懷懷中出八毒赤丸与服須臾腹中雷鳴膨轉大利數行遂愈今之八毒丸方是也

出搜神記

正誤宏翰曰許刺史弟病乃心腹中先有穢滯痰飲或蟲積等作楚日久而後鬼魔藉此附會託言惑人故子豫用毒藥攻行而愈則鬼無所憑而去矣並非鬼能先

入腹中而作患也

皇甫謐

皇甫謐幼名靜字士安號玄晏先生定朝郡人漢太尉嵩之曾孫也居貧年二十始感激讀書有高尚之志以著述為務自得風痺疾因而學醫集鑒經才手不釋卷盡得其妙廣湯液著甲乙經及鍼經等書行也

張苗

張苗雅好醫術善消息診康為時所重陳康印得疾連服湯藥發汗不出或曰汗不出者死苗教以燒地加桃葉於上蒸之即得大汗而愈

張華

張華字茂先范陽方城人學優醫博辭藻溫麗精于經方
本草診論工奇治療多效出晉書

宮泰

宮泰好醫術有一藝長於己者必千里求之善診諸病療
上氣尤異奇制三物散治欬喘氣逆最效世所貴云

劉德

劉德彭城人少以醫方自達長以才術知名攻治衆疾隨
手而愈官至太醫院校尉

史脫

史脫氣性沉毅志行簡敦善診候明消息多辨論治疸症
為最官拜太醫院校尉出史記

靳邵

靳邵性聰慧有才術本草經方誦覽無不通究裁方治療
有出衆見制五石散譽石散等方晉朝士大夫無不敬服

阮侶音祝

阮侶字德如陳留尉氏人以秀才為浪遊子博學方技無
不通會於本草經方治療之法尤所耽尚官至河內太守

裴顗

裴顗字逸之河東人多學術善醫方診屢通達方藥精富

于時名臣碩學咸敬服之官至尚書僕射按醫學入門載
係裴頠字逸民錄之以備查考

許遜

許遜字敬之江西新建縣人舉孝廉為旌陽縣令素習老
君術煉藥濟人時郡民患疫十死八九敬之以方藥拯濟
痊愈甚衆後遜病故至宋封為真君世人好奇演作傳技
有新妖之說至列仙傳更載許遜白日昇天之說流傳年
久後世不考其實信為真事今詳考以確辨正於左

正誤宏翰按醒惑篇云許遜晉朝江西人習老君之術
煉藥施人先時舉孝廉授旌陽縣令時民疫流行遜以

藥救濟痊愈頗衆民心感頌後數十年遜病亡故葬于
許家庄當時民衆沾惠者謂其賢能濟人必獲升天許
庄地名生來離三十餘里近庄有一溪時遭久雨水漲
數月不退民度溪有妖物作恠以致水漲隨後溪水漸
涸奸巫道流乘人感慕假遜托夢妄言溪有妖龍是遜
除之且庄前有坑泣水不乾又有一老樹蒼古鐵色奸
民師巫演說奇蹟歛錢造廟有邪魔附會誣弄遇民誇
人財物至宋朝宗奉老氏封遜為真君據此則列仙傳
演遜白日拔宅昇天之說則虛妄了然矣但宋徽宗欽
宗二帝當時被道士林靈素迷惑請封其師張儀為玉

皇大帝致後世年久信傳而不究其實誤認玉皇為上帝安事而尊信之也蓋宋之二帝乃世之帝皇豈可擅封前人為天帝乎欺天僭竊罪莫大焉若天帝可以世人封之則人之壽夭禍福更當主裁則二帝之死於沙漠何自己之禍福反不能自顧耶蓋世事之盡被魔惑俗染年久而不覺每逢怪異反喜而敬事之蓋間有明達真儒窮理賢士亦闢而不信之也予悲習俗陷溺故考辨以醒世也

單道開

單道開東晉煌敷人明醫藥善療目疾頗驗人贊曰馬明

龍樹乃釋氏之流也

葛洪

葛洪字稚川丹陽人自號抱朴子仕晉句漏令善為治政
隱居羅浮山人稱葛仙翁廣覽郡書諸子百家之言記誦
萬卷下筆千文著集經效方三卷名曰肘後救卒方又曰
肘後備急方一云著金醫方 宏翰按晉書云洪博聞深
洽江右絕倫著述篇章富於班馬

范汪

范汪字玄平潁陽人雍州刺史畧之孫也少孤依外家新
野庾氏廬於園中市衣蔬食燃薪寫書寫畢誦讀亦遍遂

博通百家之言性仁愛善醫術嘗以診恤為事凡有疾不以貴賤咸往治之所療十愈八九撰方書百餘卷名曰范汪方

蔡謨

蔡謨字道明以儒道自達治蒞知名性有道風耽尚醫學嘗覽諸本草經方不釋卷及授揚州刺史渡江食蠅誤中蠅螫毒殆死乃嘆曰讀爾雅不熟為俗學所誤耳

殷仲堪

殷仲堪陳郡人祖融仕吏部尚書父師仕驃騎參軍堪能清言善屬文每云三日不讀道德經使覺舌本強父母疾

衣不解帶躬學醫術究其精微執一葉揮淚遂眇一目以
孝聞武帝召為太子中庶

程 攄

程攄志信沉毅雅有量度少以醫術知名為太醫令出晉
書

支法存

支法存嶺南僧人也少聰慧醫術擅名自永嘉南渡晉朝
士大夫不襲水土所患皆腳弱惟法存能拯濟之出千金
方序

古今醫史卷之二終

古今醫史卷之三

古吳浩然子王宏翰惠源父著輯

男

兆文聖來

兆武聖發

兆成聖啟

兆康聖章同校

南北朝

南宋

徐熙

徐熙字仲融東海人性好黃老隱秦望山有道士過之求

古今醫史

卷之三 南宋

飲因留一葫蘆遺之曰君習之子孫當以道教世位列二千石熙甫視之乃扁鵲鏡經一卷因精心學之名振海內仕至濮陽太守子秋夫彌攻其術

徐秋夫

徐秋夫乃熙之子為射陽令善醫長子道度次子叔向皆精醫術一日有鬼謂為腰痛求醫秋乃縛男為人索孔穴針之而愈鬼謝辭去

正誤宏翰曰夫世人皆有形體內軀因七情攻于內六淫攻于外以致氣血不和而染疾焉蓋鬼形無乃虛靈之性既無有形之肉軀何得患病此鬼魔侮弄世人或

秋夫擅造邪說假以驚人耳

徐道度

徐道度乃秋夫長子器宇深寵節行清敏少精醫術長者父風仕至蘭陵太守

徐叔向

徐叔向秋夫次子志性溫恭敏而好學究心醫術官至太山太守著本草病源合藥要鈔五卷出隨志

徐文伯

徐文伯字德秀道度之子精醫理有學行宋孝武路太后病衆醫不識文伯診之曰此石搏小腸耳乃為水濟消石

湯病即愈除鄱陽王常侍遺以千金又治孕婦欲去其胎
瀉足太陰補手陽明胎應針而下名振當代子雄亦以傳
業 宏翰按李時珍脉學內有考證諸書目內載徐文伯
脉經訣一書今久無傳矣 南史記范雲初為陳武帝房
官武帝有九錫之命雲忽感傷寒恐不得預慶事召徐文
伯診視問曰可使得便愈乎文伯曰使甚易瘥恐二年後
不復起耳雲曰朝聞道夕死可矣况二年乎文伯以火燂
地枕柏葉布度置之其上頃刻汗出以溫裛之翌日遂愈
雲甚喜文伯曰不足喜後二年果卒此取汗先期尚促壽
限今病家不耐病未病三四日晝夜督汗乎

徐嗣伯

徐嗣伯字叔紀叔向之子有孝行善清言少負奇才推有異術經方診訣占候靡不詳練悉心極救不限貴賤多獲奇效名聞當代位正員郎諸王府出宋書 嗣伯治一病積滯年久不愈公曰尸瘥也一病腹脹而黃公曰石疔也一病眼痛多見鬼物公曰邪氣入肝也三病不全皆用死人枕煎湯服之而瘥蓋尸瘥者鬼氣伏而未起故令沉滯得死人枕促之魂氣飛越不得復附軀故尸瘥可瘥石疔者久蠲也醫療既瘳蠲虫轉堅世間藥不能遣須鬼物祛之然後可散邪氣入肝使眼痛而見鬼物須邪物以釣之

氣因枕散復埋於塚間仍完其尸也

羊 昕

羊昕字敬元性聰慧好文藝善醫理敷方藥蒞事詳審治疾精能以拯齊奇功累遷中散大夫義興太守

出宋書

秦承祖

秦承祖性耿介而精于方藥治病不分貴賤咸往療之如一出宋書 宏翰按承祖又善針灸治狂病以艾灸鬼眼二穴甚驗狂病灸鬼眼穴是其始焉鬼眼穴在兩手拇指外側角著本草六卷

出隨志

劉涓之

劉涓子之晉末時人得奇方從宋武帝北征有被傷金瘡者
出藥塗之皆隨手而愈集方書十卷名鬼遺方

宏輪曰彼謂諸方是鬼遺授之者殊虜託名因世人好
奇故以恠異誣世也

僧深

僧深齊宋間僧人也少以醫術名振療脚軟脚氣之疾當
時所咸服撰錄支法存等書諸家舊方三十卷經用多效
時人號曰深師方

雷敷

雷敷劉宋時人精究藥性善炮製修治之法著有炮炙論

上中下三卷藥凡三百種議論藥性辨別形象最精細詳
審醫家宗之但其炮炙熬煮修事之法多古奧文也胡洽
居士將炮炙論重加定述

北齊

褚澄

褚澄字彥道河南陽翟人宋武帝之甥尚書左僕射湛之子曾仕蘇州府知府載吳郡志博學經方善醫術初齊高帝愛子豫章王嶷自江陵赴都得疾日臻帝憂形于色召澄治之立愈帝嘉其能擢尚書職今有褚氏遺書其論師尼寡婦之疾療各不同妻要求嗣可以必得慶前人之末言但以女脉反診于男以心肺列于兩尺藏府倒裝之謬惜哉

徐騫

古今醫史

卷之三 北齊

五

徐騫字伯成丹陽人弟兄文伯等善醫魏孝文遷洛除中散大夫侍御多寵加鴻臚卿轉光祿大夫而卒

徐雄

徐雄騫之子仕員外散騎侍郎醫術為江左所稱至雄子之才業俱盛精位至常卿

徐之才

徐之才字士茂雄之子八歲能通經義年十二為大學生長善醫術有機辨撰雷公藥對二卷武帝時封昌安縣侯武定四年自散騎常侍轉秘書監武明皇太后不豫之才進藥立愈肅宗召賜同坐令皇太子拜之贈帛千段錦四

百疋車馬衣服上利田園千畝官至金紫光祿大夫開府
儀同三司尚書令年八十卒贈司徒封西陽郡王謚文明
出北齊書 之才治一人酒色過度眼見空中有五色物
稍近變成一美婦人去地數尺亭々而立之才曰此色慾
過度太虛所致乃處補藥飲之數劑而愈

徐之範

徐之範之才之弟仕儀同大將軍亦以醫名龍衣兄爵為西
陽郡王齊滅入周 出法周書

徐敏齋

徐敏齋之範之子仕齊太常卿喜工醫博覽多才藝開皇

古今醫史

卷之三

北齊

時贈朝散大夫

張子信

張子信河內人也好父學以醫名大寧中徵為尚書典御

馬嗣明

馬嗣明南齊河內野王人少好經方診脉知生死針藥有
異常之效每明堂不同武平中官至通直散騎常侍治
一人背癰腫煉石膏三便瘥其法龐黃色石好鵝鴨卵者
猛火燒令赤入醪醋中自有石屑落醋內頻燒至石盡取
石屑晒乾為末醋調敷腫上無不立效

王顯

王顯字世隆後魏滎陽平人以醫術鳴時昭文太后懷宣武夢日化龍繞身後寤而驚遂成心疾諸醫不識惟顯診脉曰非心疾是懷妊生男子之象果如其言侍御藥出入內禁累遷御史中尉出漢書

周 澹

周澹京兆人善醫為太醫令神端二年京師朝議遷都于鄴澹與祭酒崔浩進言不可明邑從之詔賜侍妾各一人

張遠遊

張遠遊齊人也以醫知名尋有詔徵令而術士同合九轉金丹丹成顯祖置之玉匣曰貪人間之樂不能上天待我

臨死日方可服

出齊書

正誤宏輪曰醫乃神術也可以佐理治平致君子堯舜
若在侍御自應以忠直事君豈可同術士脩合金丹誑
惑君心此邪佞阿諛救君也若遠避與術士既能修合
金丹服之可成仙上天何不自服成仙有昇天之藥乃
憲財朋謀欺誑君父罪莫大焉母恠宋人輕視醫道致
謂九流之辱也

李元忠

李元忠趙郡人初以母病集方術後遂擅名求療無不貴
賤醫治官至驃騎大將軍兼中書令

李密

李密字希邕平棘人性方直有志行母疾集經方遂盡其妙多所全獲由是知名官至殿中尚書濟州刺史封安城縣侯食邑四百戶出齊書

崔季舒

崔季舒字叔正博陵安平人少孤有敏識涉歷經史精醫術知名出齊書

祖珽

祖珽字孝微范陽道人博學善文尤長醫術當時咸稱良

鄧宣文

古今醫史

卷之三

北齊

八

鄧宣文少以醫術名性方直除太醫尚藥典御

梁

陶弘景

陶弘景字通明號隱居梁武帝時丹陽人宋末為諸王侍讀後歸隱母郝氏生幼而敏慧博學通經有志養生集醫方專拯濟將神農本草經三卷復增漢魏以下名醫所用藥三百六十五種撰七卷名曰名醫別錄高帝氏擢為侍讀武帝即位後每大事必諮詢時人稱山中宰相八十五年卒詔贈中散大夫謚曰貞白先生

出梁書

宏翰按隨書志曰隱居著太平本草方集要三卷又太清玉石丹藥要集三卷但隱居博學通經豈其不知吾

儒正心誠意之學何沉溺莊老玄門有方士神符秘訣
神丹之術故有太清玉石丹藥要集等書貽誤後世其
貞白不名豈不憾惜乎

甘濬之 趙 贊

甘濬之趙贊不知何代人甘著癰疽耳眼本草要鈔九卷
趙著本草經一卷本草經輕行本草經利用各一卷俱載
隨志

宋 俠

宋俠性明敏有學術于本草經方有所敷尚當時以醫知
名

原缺

隋

甄權

甄權許州扶溝人以母疾与弟立言專習醫方遂究其妙仕隋為秘書監正字稱疾免撰藥性本坤脉經針方明堂人形圖行世貞觀中公年一百歲唐太宗幸其舍視飲食訪其術因上藥性本草擢朝散大夫賜几杖衣服壽至一百三歲卒詳歷史

甄立言

甄立言權之弟以母疾攻醫遂盡其妙武德中遷太常寺御史大夫杜安患風毒瘰癧太宗令立言診之奏曰二十

一日午時死果如其言撰本草音義七卷古今錄驗方五十卷行世治一道人心腹煩悶彌二歲公診之曰腹有蟲誤食髮而然令餌雄黃一劑少頃吐一蛇如拇指大無目燒之有髮氣乃愈

莫君錫

莫君錫大業中為太醫煬帝晚年迷于色方士進大丹帝服之陽過盛燥甚日飲水百杯而渴不止君錫奏為置冰於帝前曰夕望之而渴遂止

任度

任度不知何時人老醫也有一患者嘗饑食下至胸腹即

吐出醫作噎疾腸氣治之無效任視之曰此非疾蓋因食蛇肉不消而致斯病但揣心腹上有蛇形病者曰素有太風常求蛇肉食風稍愈復患此疾矣任遂用硝黃合而治之微利即愈醫皆記其驗而知蛇瘕之病也

巢元方

巢元方清人大業中為太醫博士奉詔撰諸病源候論五十卷罔不該集今行巢氏病源是也

楊上善

楊上善大業中為太醫侍御當代稱神診療出奇能起沉疴篤疾不拘局方撰太素脉一卷其定六部八壽夭休咎

診斷富貴貧賤士大夫重之今世之太素脉從和而宗之鮮有應驗

正誤宏翰曰上善為人機變尤精風鑑故演集太素脉書診論人富貴貧賤此古云休咎壽夭等說似乎神色脉知藏府之病詳審骨部知人性善惡壽夭載在靈樞此實學正道也從無斷富貴徵休咎怪異之說此上善以術數欺世乃江湖之派作俑之始罪之首也予於醫籍考內詳辨其証矣

全元起

全元起以醫鳴不在巢陽之下一時紳縉慕之如神患者

仰之得則生失則死其學悉祖內經所註內經訓解之始
有功于軒岐後學賴之

許智藏

許智藏高陽人以母疾博覽醫方遂成名醫仕陳為散騎
侍郎陳滅隋文帝以為員外散騎侍郎煬帝即位之明年
帝有疾令中使舉迎入便殿登御床醫之輒有奇效

許澄

許澄智藏族人以醫術与批僧坦齊名拜為上儀同三司

文梅

文梅廣陵僧人善療瘡瘍及雜症悉說單方其效甚速人

古今事考

三

咸習相傳曰梅師方云

古今醫史卷之三終

古今醫史卷之四

古吳浩然子惠源王宏翰著輯

男 兆文

兆武

兆成

兆康較

唐

孫思邈

孫思邈京兆華源人也十歲能日誦千言及長盛談百家
莊老之說精究醫方朱子小學箋註云思邈唐之名進士

古今醫史

卷之四 唐

因知醫理賤為技流惜哉孟浩然靈照薌師事之與論心
欵小而膽欵大智欵圓而行欵方之語隋文帝徵為國子
博士不就唐高宗召見拜諫議大夫固辭隱居著述有千
金備急方三十卷脉經一卷千金翼方獨傷寒未及又著
枕中記素書捫生真錄福祿論三教論老子莊子註

正誤宏翰曰大儒大醫皆敦知格物之學均佐理治平
之道是醫出神農軒岐伊尹諸大聖之立言立法拯民
于衽席萬世賴之故醫謂仁術也且神明之書精細之
學至醫事而極矣玄晏先生曰人受先生之體八尺之
軀而不知醫理謂遊魂耳雖有忠孝之心慈惠之性居

父危困赤子墜地無以濟之故聖賢皆宜精思而極論之也宣後世之醫盡庸碌不深究性命格致之學止傳習方書端湣貴顯為利殖技業毋恠後人輕視以致朱晦菴有賤為技流之說然貴顯亦無真儒不入于老老則入於釋庸俗無知我儒明德正心昭事之學貿貿未考醫儒真學道同一體也蓋思邈果博學宏深實唐之名進士也但其耽好玄門溺于靈妄註釋莊老清談又著枕中記福祿等書皆傍門技術非虞廷孔孟精一危微之心學但朱子不深知醫理乃格致大學問而不評其誤入傍門技術竟貿貿然謂其因知醫理貶入

校流之說何哉予亦甚為思邈惜之也

王 素

王壽天寶朝知弘文館得館中古方數千百卷著輯外臺
秘要四十卷述病證附方藥及灼灸之法

玄珠先生

玄珠洞明素問極究微奧時太僕令王冰識其為異人乃
師事之遂以抄旨授冰：由是大注素問云玄珠密語是
其遺矣 宏翰曰密語乃偽書則知玄珠之名亦虛矣

王 冰

王冰字深若號啓玄子天寶中為太僕令篤好醫方得先

師所藏太素及金元起大為以注素問合八十一篇二十四卷又著玄珠密語十卷昭明隱旨三卷其玄珠密語皆詳言五運六氣明李深謂紀運休祥不驗實偽書也宏翰按啓玄尚有元和紀用經一卷及昭明隱旨亦皆托名或世已於醫籍考內辨明矣

韋訊道

韋訊道號慈藏善醫術常帶黑犬隨行施藥濟人唐玄宗重之擢官不受當世仰為藥王又無著述遺後學問可知其道則不可問矣

正誤宏翰按藥王之名出於何功如神農黃帝岐伯乃

古今醫史

卷之四 唐

醫藥立極之大聖伊尹仲景續廣醫道功垂萬世後世
莫可冀及者方可稱之若慈藏隨身帶犬而行乃江湖
遊方道流非正人君子明矣何可稱為藥王但當時玄
宗酷好老氏世人好依時人附和時君妄以藥王之名
加稱後世不考其本來習俗相沿之誣爾如明皇遊月
宮一事誣世已久無人辨倫信為實事但太陽為日太
陰為月皆陰陽之精華所結而成也月體陰暗得日為
光故有朔望之晦明何得有宮殿牀榻之跡當時道士
以幻述迷人而明皇為之所惑後世傳為勝事即今道
家仙遊夢符術也此不但愚夫愚婦惑而文人儒士

亦妄信之余見世情沉溺邪魔故特一並而辨正之也

張文仲

張文仲洛陽人以醫名則天時為侍御醫尤善療風疾則天令撰療精方論三風疝氣七情風狀有一百二十四種氣狀八十治不以時則死及之惟頭風疝足氣可當御病風之人春末夏初秋暮可使洞洩則不致因劇其餘須療則治以時消息乃著四時輕重術凡十八種隨身備急方三卷行世

許胤宗

許胤宗常州宜興人初仕陳為新蔡王外兵參軍時柳太

后感風不能言脉沉而口噤胤宗曰事急矣非大補不可
若用有形之湯藥緩不及事又口不下藥宜以湯藥蒸令
藥氣入腠周時可瘥遂製黃芪防風煮湯數斛置於牀下
湯氣薰蒸滿室如霧使口鼻俱受之如其言夕便得語此
非智者通神之法不能設也尋拜義興太守或勸其著書
遺後者答曰醫特意耳思慮精則得之脉之候幽而難明
吾意所解口不能宣也古之上醫要在視脉病乃可識病
而藥值惟用一物攻之氣純而愈速今之人不善于脉以
情度病多其藥物而幸其功譬如獵不知兔廣絡原野冀
一人獲之術亦疎矣一藥偶得他味相制不能專力此難

愈之驗也脈之妙處不可言傳若虛設方劑終無益于世
此吾所以不著書也卒年九十餘

蕭炳

蕭炳唐之蘭陵處士也深精醫學詳究藥性採四聲本草
五卷

秦鳴鶴

秦鳴鶴不知何郡人性好學善醫唐高宗時為太醫侍御
孟詵

孟詵汝州人武后時舉進士垂拱初累遷鳳閣舍人出為
台州司馬轉同州刺史其後睿宗召固辭不仕卒年九十

有三少好醫方惟以濟人為事撰補養方三卷必効方十卷食療本草三卷出唐書及李時珍本草綱目載之

陳藏器

陳藏器四明人開元中為京兆府三原縣尉博極郡書精覈物類著本草拾遺十卷以神農本草雖有陶蘇補集之說然遺沉尚多藏器考究藥性甚工詳備前人有大功于醫今皆宗之

楊損之

楊損之開元後人潤州醫博士兼節度隨軍撰刪繁本竹行世

李世勣

李世勣高宗朝司空英國公也以醫鳴唐奉修陶隱居註神農本草經增為七卷有功于世

于志學

于志學字仲謐京兆人也永徽間遷太傅與勣修定本草并圖合五十四篇

蘇恭

蘇恭顯慶中右監門長史也表修英國公本草奏勅太尉趙國公長孫無忌等与恭詳註名唐新修本草也

狄仁傑

狄仁傑字懷英太原人也好醫方尤精針術為唐名臣位極宰相顯慶中應制入闕路逢富室有小兒鼻端生贅如拳綴鼻根如筋痛楚危急公為臆後下^針疣贅應手而落父母輩以千緡奉酬公不顧而去

楊玄操

楊玄操吳歙尉明達靈素謂呂廣所註難經未詳又編次十三類復註之為五卷

紀朋

紀朋唐開元時吳縣人也能觀人顏色談笑間便知病之淺深玄宗聞之召入掖庭視一宮人每日是則笑歌啼號

狀若狂疾而足不能履地朋曰此必因食飽而大促力頓
仆于地而然乃飲以雲母湯令熟寐覺而失所苦問之乃
言因太華公主戰誕宮中大陳歌吹某乃主謳懼其聲不
能清長因吃狔蹄羹飽而當筵歌大曲歌罷覺胸中甚熱
戲於砌臺因墜下久而方甦遂病此也朋醫名大著

王伯彥

王伯彥荊州人為道士善醫尤精診候知生死一公子暴
痛諸醫不識延伯彥診之良久曰無疾煮散數味入口而
愈或問其狀曰中無腥鯉魚毒耳子因食膾而得或者不
信乃以膾與左右食之其痛悉同醫者莫不驚服神異

張鼎

張鼎好學精醫著有增補孟說食療本草

劉禹錫

劉禹錫字夢得彭城人也貞元間舉進士爲好醫方濟人甚衆詔修本草經方集有傳信方行世

李珣

李珣唐肅代二宗時人也精醫理明藥性善識海藥著海藥本草六卷行世

咎殷

咎殷唐大中時人也成都守白敏中家有免乳死者訪得

名醫咎殷延診殷以所著集產科經驗方以戲名曰產寶經也又食醫心鑑二卷

鄭虔

鄭虔不知何處人善識胡中藥物著有胡本草七卷行世

李含光

李含光善醫理明藥性著有本草音義二卷行世

杜善方

杜善方京兆人善醫以本草刪去重複隨類解說著本草事類一卷

殷子嚴

古今醫史

卷之四

唐

殷子嚴唐時人著本草音義載新唐志

五代

南唐

陳士良

陳士良南唐劍州醫學助教著食性本草十卷

李雲卿

李雲卿博通經史善醫隱廬山以濟人為念千里之外來求療病如市

甘伯宗

甘伯宗精醫撰有歷代名醫性氏自伏羲至唐凡一百十八人出穀耕錄

古今醫史

卷之四 五代南唐

九

蜀

蜀主孟昶

孟昶蜀王也心性慈孝聰明博學好講方藥母后病更屢太醫不效自置方餌進之遂愈郡臣有疾親召診視醫官服其神昶命醫林學士韓保昇等取唐本草參較增補別為圖註凡二十卷昶自為序謂之蜀本草宋太祖代蜀昶不忍生命就戮遂走汴降闕下太祖厚封之

韓保昇

韓保昇蜀人也精醫不拘局方詳察藥品蜀主命釋本草最詳明所以深知藥性施藥輒有效

唐慎微

唐慎微字審元成都華陽人貌醜言訥中極明敏而學讀博好醫求治者不論貴賤必往治病百無不愈每于經史中得一方一論必錄之時尚書蒲公執政擢与一官不受著有證類本草三十一卷上之朝廷改名大觀本草

李 譔

李譔字欽仲梓潼涪人通五經諸子學該博篤好醫方為庶人遷僕射中散大夫

古今醫史卷之五

古吳浩然子王宏翰惠源甫著輯

男 兆成

兆康校

宋

劉 翰

劉翰滄州臨津人世習醫業初攝護國軍節度巡官後用
顯德初詣闕獻經用方三十卷經體集治世論二十卷世
宗嘉之宋太宗開寶六年詔尚書奉御劉翰與道士馬志
醫官翟煦張景吳復珪王光佑陳昭遇等取唐蜀本草詳

宋

校仍取陳藏器拾遺相叅增藥一百三十三種謂之開寶本草又著論候十卷

吳復珪

吳復珪淳化間為太宗侍御醫與劉翰齊鳴太宗召修本草及太平聖惠方書中多其所集行世

王光佑

王光佑太平興國間為太醫奉詔同修本草哀集方書廣心醫學

馬志

馬志初為道士得海上方深察藥性治療輒効太宗時奉

詔同修本草為侍御醫名著當代

蘇頌

蘇頌字子容同安人舉進士仕太常博士哲宗朝位至丞相封魏國公著圖經本草二十一卷

陳昭遇

陳昭遇嶺南人善醫太宗時為翰林醫官療病多效奉勅洞修本草經方及同王懷隱參對太平聖惠方

陳承

陳承字哲宗元祐間閩中人也善醫理明藥性著有本草別說行世出李時珍本草綱目

日華子

日華子姓大名明號日華子宏翰按禹錫云大明係宋開寶時人著有日華諸家本草二十卷明察藥性極辨其微用藥各以寒溫性味華實蟲獸為類其言功用甚悉出李氏綱目

洪蘊

洪蘊潭州人初出家集方技之書以醫鳴太祖召見賜紫服袍號廣利大師後太宗召講醫方蘊錄秘方以獻之

掌禹錫

掌禹錫宋嘉祐初為秘監奉詔與林億蘇頌張洞等補註

神農本草以開寶本草及諸家參校米拾遺漏刊定新舊藥各一千八十二種總二十卷名嘉祐本草

崔嘉彥

崔嘉彥字希範號紫虛南康人隱居樂道宋之名儒也深精醫理著有四言脉訣舉要行世

馮文智

馮文智并州人世以方技為業太宗召為醫官咸平三年太后不豫文智侍藥既愈遷尚藥御醫賜金紫衣累遷翰林醫官

王懷隱

古今醫史

卷之五

宋

三

王懷隱睢陽人初為道士好醫太宗召歸俗命為尚藥御醫遷翰林醫官太宗平日留意醫方自選名方千首詔翰林醫官等俱各出家傳驗方以獻又得萬首命懷隱與副使王佑鄭奇醫官陳昭遇叅對編類每證以巢元方病源冠首而本方附後共成一百卷帝親為制序賜名太平聖惠方刊天下

趙自化

趙自化德州平原人徙居洛陽業醫淳化中從兄自正遊京師以醫鳴俱授醫官累遷翰林醫副著有四時養頤錄名醫顯佚傳三卷

王維德

王維德明醫理精針灸宋仁宗朝詔惟德詳針灸之法奉
旨以銅鑄人像為銅人圖也首面五官遍背周身筋脇手
足肢節全其身之前後手足十四經之俞穴逐一分晰尺
寸註明穴旁此銅人圖始也又著銅人針灸圖三卷行世

許希

許希開封府人以醫鳴徵授太醫院宋景佑元年仁宗不
豫侍御數藥不效希診曰針心下色絡可立愈左右謂不
可諸黃門以身試無害遂進針帝即愈命為翰林醫御之
官賜衣魚神著應針灸要訣行世

古今醫史

卷之五 宋

四

錢山字仲陽上世錢塘人曾祖徙北家于郛父顥善針灸然性嗜酒一旦匿姓名游東海不歸公時三歲隨母嫁醫李氏稍長從呂氏問醫母將沒告以家世公號泣隨往東海踪跡又三十餘年往返六次迎父歸養可為至孝幼業醫得仲景之奧建為五藏之方各隨所宜謂肝有相火則有瀉無補腎有真水則有補無瀉皆啓內經之秘厥後張元素劉守真張從心盡皆取法後人但知其嬰兒醫也文獻通考晁氏曰仲陽無書不窺他人勤々守古山獨度越難舍卒与法合尤邃本草多格物理辨心闕誤最工嬰

孺病年八十二而終著傷寒指微五卷嬰孩論百篇行世
閻季忠方附其後季忠乃仲陽門人其錢山小兒直訣三
卷乃季忠編集也 治一乳婦因大恐目張不能瞑公煮
郁李仁酒飲之使醉則愈所以然者目系內連肝胆恐則
氣結胆系不下惟郁李仁去結隨酒入胆結去胆下則目
能瞑矣 宋史紀神宗元豐時長公主有召^疾山診治有功
授翰林醫官遷太醫丞賜紫衣緋魚 皇子儀國公病瘕
痼國醫未能治召山治進黃土湯而愈 按元豐乃神宗
末年號也元佑乃哲宗初年號也 凡山治病皆有奇效
者有傷寒指微五卷嬰孩論百篇行世

孫用和

孫用和號南濱新安人性明敏通經學精醫方究軒岐之
秘先為鄉判後舉士宋治平年間為尚藥御醫集秘寶方
三卷自昭陵迄于熙豐無能出其右者子兆尤精醫著名
元豐間兆弟宰為河東漕房呂惠卿帥并從軍得其書序
而刻之自言為思邈之後兆氏讀書志作孫尚秘寶方凡
十卷云文獻通考

高保衡

高保衡字若訥深明病機方藥熙寧間為太子右贊善大
夫奉詔校正仲景傷寒金匱玉函要畧內經諸醫書神宗

以修輯有功賜緋魚加上騎都尉

孫奇

孫奇熙寧間為尚書都官員外郎奉詔同高保衡林億校
正諸醫書

林億

林億熙寧間為尚書司封郎中充秘閣校理詔同高保衡
等校正內經素問脉經千金方醫名大著

孫兆

孫兆乃用和之子仕殿中丞以儒習父業尤有心得之妙
超邁尋常治療輒效存活甚多官為殿中丞尚侍御醫

治平中有一顯宦坐堂忽耳鳴兆診曰心脉大盛腎脉不能歸耳以藥凉心則腎脉復歸耳鳴立愈

文彥博

文彥博字寬夫仁宗朝良相也封潞國公性好醫究本草集方四十首名藥準一卷行世

沈 括

沈括字存中吳人博學通醫術善方書集良方十卷靈苑方二十卷用之多有應驗

李師聖

李師聖宋時漢陽人精女科撰胎產論二十一篇無方

郭稽中

郭稽中宋之醫學教授也善胎產因李師聖產論有論無方稽中增入各方著集名婦人方書醫名大著

僧智遠

僧者名智遠徐州人善太素脉嘉佑中召至京師診父母脉能知子之言出時王安石王珪俱在翰林珪疑古無此安石曰昔醫和診晉侯而知良臣將死視父知子何足恠哉

正誤宏翰曰太素脉診知吉凶者兼風鑑術數也然昔緣乃僧流明于風鑑氣色藉脉名以行術數故有視父

知子以誑世人也蓋醫和診晉侯而知良臣將死前醫
和本傳下已經詳論可者

王安石

王安石字介甫臨川人生平出處具載宋史製有炒香散
行世醫者宗之

范九思

范九思不知何郡人業醫善針凡沉痾恙能起之一人患
喉内生蛾諸醫不能愈且畏針九思与末藥計以筆搽之
遂藏針于筆刺之即愈後學賴以為法

陳孔碩

陳孔碩字膚仲長樂人宋寧宗嘉定間直龍圖閣傳學精醫其考論有卓見創論脉訣非王叔和之著乃高陽生偽托謂脉訣出而脉經隱此言一出而後學賴之得駁遺害著有傷寒瀉利方一卷

許叔微 許弘

許叔微字知可白沙人紹興三年舉進士仕翰林學士篤好醫方得造其妙凡患奇症恠疾者並能療之將平生治效諸方集成一書名本事方又著傷寒發微論傷寒百証歌議証二十二篇仲景脉訣圖等書子許弘得父學精醫著傷寒金鏡內臺方議十二卷論仲景一百一十三方也

叔微治一人傷寒身熱大便不通煩渴鬱胃醫者用巴豆下之頃得漉利其病如舊叔微視之陽明結熱在裡非大柴胡承氣不可其巴豆去積不能蕩滌邪熱蘊毒亟進大柴胡等三服得汗而解 治一人發熱思寒自汗脉浮而微弱三服桂枝湯而愈此方在仲景一百十三方內獨冠方首今人不用惜哉仲景曰大陽中風陽浮陰弱陽浮者熱自發陰弱者汗自出焉：惡寒漸：惡寒俞：發熱宜桂枝湯此脉而證合仲景之說治一婦人感聲啞多眠目不閉惡聞食臭不省人事者半月後又手足拘攣脉數微細先与竹瀝姜汁一盞忽

胸有汗腸鳴目閉不省人事遂用參朮橘皮入竹瀝而愈

朱 熹

朱熹號晦菴謚文公宋之大儒註釋六經博通醫理謂古人察脉非一道今世惟守寸關尺之法所謂閨者多不知俗傳脉訣詞最鄙淺非叔和書世之高醫以其書為曆本棄而羞珍之由是知晦菴深於醫也 宏翰按晦菴註論云巫所以交鬼神醫所以寄生死故雖賤役而又不可以無常據此言則晦菴不知巫與之醫學蓋巫乃陰陽之術虛偽之理實賤役也而醫要分業与道業者不過明達方藥參究病機其療治上則帝王宰輔下及庶民有生死之

寄難以賤役稱之若夫大醫之道徹通天地造化之本三
才格致之理性命之原能變理陰陽佐理治平謂之醫道
肇自古聖軒岐桐君伊尹也豈晦菴不知醫道大原貿以
賤役稱之釋大學云致知格物而今止矣人心之靈莫
不知有而天下之物莫不有理惟於理有未窮故其知有
不盡然醫道亦格致之學因世人只圖財利不深究其原
志在養生之業以致淺視而不尊但晦菴為宋之大儒註
釋六經若再虛躬討究其大本大原得徹造化之理陰陽
變化之本則不致出此言也故余言大儒大醫道無二理
今儒者盡心于詩文以圖金紫而明德之理置之不講宋

李璠曰人不必待仕官方為功業但到處隨力及物即功業也善夫

史崧

史崧宋紹興間人明達醫理博究諸書修輯靈樞經為十二卷較之他本頗善惜書久亡之矣

龐時

龐時字安常新水人世醫性敏好學父所授脉訣獨取難經通其說時出新意讀素問靈樞甲乙深達奧妙著書立論發前人之未言謂人迎氣口之脉在手在喉上下齊等引繩曰平過勝即病而有三陰三陽之分又謂華陀之術

非人所能及乃史氏之妄乎著有傷寒卒病論以補仲景之言或云撰本草補遺無從查攷文獻

僧道廣

道廣者僧也西蜀人好醫得不傳之秘乾德中有一人病肌瘦如癆唯好食米缺之則口吐清水食米則快諸醫不能辨道廣以雞屎及白米各半合炒研末以水調頓腹良久吐出如米形遂愈病源謂米腹者是也

李防禦

李防禦治徽宗寵妃病痰咳面腫不寐三日不效當誅李技窮憂泣忽聞市人賣嗽藥色淡碧李市之先自試并三

貼為一以進服之是夕寢安嗽止面腫亦消帝大悅賜萬金其藥乃蜂蛤殼煨粉少加青黛也

吳源

吳源字德信新安休寧人宋孝宗時以詩文著名遇道人傳以金匱玉函之秘尤能起死回生人稱神醫後徵為翰林醫官

楊文修

楊文修字仲理諸暨人幼以孝聞因母疾究醫造其妙朱晦翁聞其名就見之與談竟夕晚年著醫行二十卷又集理撥沙圖經卒年九十九

正誤宏翰曰晦翁僻好堪輿信風水將父母分地名葬仲理明地理集撥沙圖故晦翁就見而親熟之也夫葬地蓋取地內無風水者而親骸底免水浸虫蝕風攻例屍之害故為子者盡心擇取乃孝子之職非圖子孫富貴之本念也然猶在本人行實若何若言行無虧雖遇吉山地則葬後天必佑變為吉子孫自昌如本人言行積孽子孫雖賄賂財堪輿謀售善地歆圖若子若孫富貴永賴者葬後天必變為凶地致屍骸受侵祖父無善厥後不昌自無之理俗云陰地不如心地此在德不在地者明矣何晦菴乃宋之大儒亦酷信風水致後世效

尤故徽歛世風更甚但通俗盡貪富貴之地使堪輿者
百計誑騙屢破家而噬臍求富貴而未得即旋敗豈
不痛者余陳數語以警世云爾

吳廷紹

吳廷紹為太醫令烈祖好食飴喉中壺國醫莫能治廷紹
猶謂當進楮寔湯服之果愈或叩之荅曰噎以甘起故以
楮實湯

江嘉一作嘉

江嘉字明遠新安婺源人以醫鳴世已十五代矣至嘉以
儒通醫活人尤著宋理宗不豫召至一進藥遂安名大著

古今醫史

卷之五

宋

初虞世

初虞世少為儒習醫有超見論病源皆深究素難之理
有養生必用方十六卷其論症甚詳其法易用但虞世
一時文士後為釋氏誘惑削髮為僧何愚溺佞佛若是而
宣不惜哉

蘇澄

蘇澄乃宋之良醫也有一人病應聲者求療澄云古無此
方惟以本草藥名盡呼之每呼一聲腹中輒應惟一藥呼
之即不應再三呼之無聲即將此藥為主治之痊愈

朱 肱

朱肱號無求子吳興人大觀時進士仕奉議郎提點洞霄宮善醫尤邃於傷寒潛心數十年窮經義之要而著傷寒百問三卷有武夷張藏作序又南陽活人書二十卷表奉進道君朝刊行於世肱在南陽時太守戚次疾作召肱診之曰小柴胡湯証也請連進三服晚胸滿又視之問所服藥安在取視乃小柴胡散也肱曰古人制湯能入經絡攻病取快今乃為散滯在腸上宜乎作滿因煮二劑与之頓安

張 擴

張擴字子充新安歙縣人精研醫理聞有長子已者須千

古今醫史 卷三
里求之不憚時圓斬水龐安常醫名遂往從之又聞蜀中
王朴太素脉亦往師之得其秘而歸術高名著江右搢紳
咸往就診與弟張揮同著醫說行世

裴宗元

裴宗元以醫名越專用成方及丹溪出而悟曰標古方以
醫今病其勢不能以盡合故其方書遂不盛行今絕其書

陳師文

陳師文為越名醫與裴宗元一時齊著其用方亦大同
定大觀二百九十七方

謝復古

謝復古為宋翰林學士籍醫學尤工於傷寒能處仲景之旨

張 杲

張杲字季朋新安人也世業醫術有名至杲尤誠精確博該諸書所得輒採錄成醫說十卷行世大益於醫理

錢聞理

錢聞理宋紹興中仕為建寧府判性好醫方尤精於傷寒著傷寒百証歌行世

陳文中

陳文中字子季宿州人明大小方脉尤精于小兒痘疹診

視用方多少奇效心存濟困扶危淳佑中為侍郎翰林學
正與鄭憲卿同編幼科新書小兒病源方二書行世

陳自明

陳自明字良甫號臨川建康人世業醫至自明益精研有
起世活人之志宋雍熙時為太醫諭著婦人良方二十三
卷行世又經明時薛立齋僧補附入醫素為二十四卷又
外科精要二卷

楊士瀛

楊士瀛字登父號仁齋三山人世業醫至登父尤精集有
直指方論二十八卷傷寒活人總括七卷

王 纂

王纂海陵人習覽經方尤工針石遠近著名所療多效嘉佑中有女人被狀惑纂以針：鬼穴妖狐即從女衾中逃竄女病即痊

張 銳

張銳字子岡號雞峰鄭州人宋之醫院教授一云官為成州團練使篤好醫方遂入精妙聲名遠著凡有求療雖細民亦用意治之 有刑部尚書慕容彥達母夫人病召銳于鄭至則死矣方六月暑將就木銳歛入視彥達意其求錢乃曰賂運之費當悉奉饋實不煩入銳曰傷寒法有死

一晝夜復生者何惜一視彥達不得已延入悲泣不止銳揭面帛注視呼忤直語之曰曾見夏月死者面赤乎曰決無然則汗不出而厥爾不死也幸毋亟飲出取藥命以水三升煮其半以灌病者戒曰善守之至夜半大瀉則活矣銳舍于外館至夜半守病者覺有聲勃然遺尿已滿席出穢惡物斗餘合家大喜遽啟門延銳曰我體倦莫能起然亦不必起明日方可進藥天時明銳出門經命駕歸彥達至鄭詣其室但留平胃散一帖而已其母服之數日良愈蓋銳以彥達有求針之疑故不告而去之也 一掃產後患大瀉候痺諸醫謂兩症不能並治以為必死公視

之以藥十餘粒使吞之咽通而泄止人異之公曰理中丸
果紫雪耳喉痺非寒藥不可泄非理中不止紫雪下咽則
消釋無餘得至腹中者附子也夫何異 紹興中鏡沈落
入蜀王矩叔問之曰公之術古所謂千金者歟曰未也僅
七八耳吾長子病傷寒診脉紫色皆為熱極煮承氣湯數
与飲復疑至于再三將遂飲如有掣吾肘者姑待藥以待
而兒忽顛仆覆衾至四五拍稍定汗出如洗明日脱然
使吾藥入口則斃矣安為造妙手世之庸醫學方書未至
萬一自以為足吁可悲也哉出身堅志 宏翰曰雞峰之
醫善得孫子兵法之妙

皇甫坦

皇甫坦西蜀人善醫術高宗召醫太后目疾有奇效因向
治身坦對曰心無為則身安人至無為則天下治帝厚賜
復召問以長生久視之術坦對先禁諸欲勿令放逸丹經
萬卷不如守一上嘉而寵之每稱皇甫先生而不名

王克明

王克明字彥昭湖州烏程人紹興間為名醫深究素難工
針石起死良多試禮部中選醫官累遷翰林醫正賜金紫
服

宋道方

朱道方字叔金陵人也以醫名天下一日郡守母疾召
診守云若不能痊當治罪叔曰容為診視曰尚可活康以
丹劑遂愈守酬以金帛送歸叔歸則全家遁避守母復死
蓋病已在膏肓叔懼罪括與良劑盡存活耳脫身計也

張肱

張肱元豐間人揭穎呂病消渴肱診之笑曰君幾誤死取
麝香當門子酒濡作十餘丸棘枸杞煎湯吞之遂愈問其
故肱曰消渴消中皆脾弱腎敗土不製水而成穎臣脾脉
極熱腎脉不哀當由酒果過度積熱在脾所以多食多飲
飲多溲亦多非消非渴也麝香坏酒果棘枸杞能勝酒故假

二物以去酒果之毒見東坡集

寇宗奭

寇宗奭宋政和中醫官通直郎也著本草衍義三卷參考事實最其精理援引辨證發明良多東垣丹溪諸公亦尊信之

耶律敵魯

耶律敵魯字撒院其先本五院之族魯精于醫察形色即知病源雖不診有療必全功

史堪

史堪字載之登進士善醫理仕為郡守有一少年病不食

聞華腥之氣輒嘔吐諸醫不效求載之治視之曰汝病只在素問經中名曰食桂授以一方三服則聞肉有香氣食之無苦著有指南方三卷分為三十二門

陳言

陳言字無擇號括蒼精究靈素金匱諸書議論發人未言著三因方六卷謂病有內因外因不內外因而百病皆不越離乎三因也宏翰曰括蒼得內經四因之奧著三因之方裨益後學

程約

程約字孟博新安婺源人世業醫至約尤著而更得針砭

之法著有醫方圖說行世

唐與正

唐與正善醫凡人有奇疾以意療之無不效一小女患風痺未腫諸醫以風熱治之不效唐診視曰肝肺之風熱故治之遂愈惟項上高腫寸許詢其乳母好飲熱酒唐遂於前劑倍加葛根數腹而消

趙 璽

趙璽晉陽人善醫術精診候一人病脇有聲如蛙以手按之叩以否則連聲不絕諸醫不能辨璽診之曰右關脉伏結因驚氣入臟腑而成此疾患人告以野行忽有蝦蟆高

躍暴叫一聲被驚便覺腦痛作聲如蛙蛩與六神丹瀉之
立愈

王 貺

王貺字子亨乃金陵宋毅叔之婿也得傳毅叔之醫旨一
人失驚吐舌遂不能收諸醫莫治貺針舌底遂伸縮如故
後為宣和中朝散大夫著有金生指論一書齒失驚吐
舌不能收經旬不食冠羸日甚為針舌之底抽針之際其
人若委頓狀頃刻舌縮如故

楊 介

楊介號吉老泗洲人世醫著聞四方有郡守病喉癰成流

古今醫史

卷之五 宋

注久不愈召介治介知其嗜食所致惟与生姜一味啖之
食之一觔始知辛辣而癒愈守異而問之介曰公好食鵝
鵝鵝鵝好食半夏遺毒于喉間非姜無以釋半夏之毒故
用之遂愈著有存直圖 宋徽宗食冰太過病痺疾國醫
不效召楊介進大理中丸上曰服之屢矣介曰疾因食冰
臣以冰煎此藥是治受病之源也

劉元賓

劉元賓號通真子博學精醫善治療著診脉須知又註扁
脉訣即高陽生託名王叔和之偽訣其若心之謬可不惜
哉有脉訣機要脉要新括二書俱載通真子撰無姓名擬

即元賓也

郝 兌

郝兌傳陵人善精醫術治療有神效人以為神授診脉預斷生死推測運氣如四方有疾常預告人使其慎而防禦之 有一婦夜間口噤而死兒曰血脉滯也不用藥聞雞鳴自愈一行跽蹕輒陪兌曰脉厥也當治筋以藥熨之自快一孕婦極壯健兌診曰母氣已死壯健者恃兒氣也如期不生母死

趙 卿

趙卿良醫也有機警一少年眼中常見一小鏡諸醫不效

公視之与少年期來晨以魚膾奉候少年及期赴之延於
內且令從客候客退方接成頃設桌施一甌芥醋更無他
物公亦未入迨禺中久候不致少年飢甚且聞醋香不免
輕啜之逡巡又啜之覺胸中豁然眼花不見因竭甌啜之
公方突入少年以啜醋慙甜曰即君先因會膾太多芥醋
不快又有魚鱗在胸中所以眼花適而備芥醋歆即君因
飢而啜之以消胸中之鱗也

王宗正

王宗正字誠叔不知何郡人著有雜經圖說行世

丁德用

丁德用嘉祐中濟陽人精詳醫理辨論頗明謂楊玄操所
次難經甚定大義因改正之經文隱奧者繪圖釋義頗為
詳細

李知先

李知先號雙鐘處士好學明醫善讀仲景書著有傷寒歌
括行世

王實

王實潁州人龐安常高第也或云官至外郎得師傅之學
仲景之法著有傷寒證治三卷行世

王碩

王碩字德膺永嘉人好方書集易簡方一卷元呂滄洲論
德膺之醫如虞人張羅廣怨原野而免脫殊多詭遇獲禽
無足算者

周興權

周興權字仲立性好學參考醫理方書有註釋難經其書
久不見矣

虞度

虞度仁壽人寓漢嘉北為儒己而棄其業習醫注難經五
卷以補呂廣揚玄操之未盡有黎泰辰治平間為之序出
文獻通考

王朝奉

王朝奉宋人宏輪按朝奉著述無存而王肯堂準繩摘其
議論明委全善醫學綱目云朝奉德膚守真用藥寒熱不
同者以地法方責之也 朱克柔云明徐鎔云唐宋以來
如孫思邈葛稚川米奉議王朝奉輩皆不出仲景書則知
朝奉亦名著當代惜無著作行世耳

楊退修

楊退修宋朝人好學精醫著通神論十五卷護命方五卷

古今圖書集成

卷之五

三

古今醫史卷之五終

古今醫史卷之六

古吳浩然子王宏翰惠源甫著輯

男 兆武聖發校

金

成無己

成無己聊城人有敏質家世儒醫至無己尤讀博郡書祖述仲景傷寒辨晰表裏虛實極其精妙著有傷寒論十卷明理論三卷方論一卷行世

竇漢卿

竇漢卿名傑金之太師合肥人也才敏學博善達醫理精

於針法有一人死去經日老而胸中稍溫太師執針之立
活著有針灸指南若干卷內載太易賦玉龍歌標出賦為
後學之軌範也

竇桂芳

竇桂芳善針灸撰流注指微賦羅謙甫為之註又撰通玄
指要賦載在衛生寶鑑

劉完素

劉完素字守真河間人遊號河間洞微醫理詳卷內經執
論多病於火亢之理所著運氣要旨論精要宣明論素問
玄機原病式二卷傷寒直格四書行世其議論皆發千古

之奧誠後學之宗或言其偏主於熱豈其止明于熱病而不善於寒哉乃氣運之時宜非其之偏執也

張元素

張元素字潔古金時易州人今稱易老八歲善屬文後舉進士不第素舉業學醫深得軒岐秘具恭悟夫人微旨謂古方新病難相時合自成一家之法辨藥性之氣味陰陽厚薄升降補瀉六氣十二經及隨病用藥之法立為主治秘訣心法要旨名之珍珠囊一卷大揚醫理靈素之下一人而已後人翻為韻語以便記誦謂之東垣珍珠囊謬矣又著醫學啓源病機氣宜保命集四卷一名活法機要後

古今醫史

卷之六

六

人誤作河洞劉元素所著偽撰序文詞調於卷首以附會之其他索古諸書俱是後人依托故駁雜不倫李東垣受業門下盡得其學出本草綱目

張璧

張璧號雲岐子乃元素之子得父學名著當時著有脉訣傷寒保命集二書行世

齊德之

齊德之精詳醫理為太醫博士著有外科精義上下二卷行世

李惟熙

李惟熙舒州人博學通醫善論物理謂菱茨皆水物菱寒而茨煖者菱花開背日茨花開向日故也又曰桃李双仁輒殺人者其花本五出而六出者必双仁蓋草木之花皆五出惟山梔雪花六出殆陰陽之理今桃李六出殺人者失其常也

紀天錫

紀天錫秦安人棄進士精醫註難經五卷泰和間上其書授醫博士

柳貫

柳貫東陽人宏翰按脉學內脉診考證貫謂叔和脉經為

醫家一經脉訣熟在人口非叔和所作乃人偽託朱晦菴
誤駁高骨為國之非不知其心出脉經也

張從正

張從正字子和號戴人貞祐間考城人精醫理法河間之
方運素問之旨善針灸著有儒門事親十五卷俱議論汗
吐下三法用之當者如神立可起死回生之功世醫不詳
病源不察脉候虛實妄施其法不能用其當然之妙而反
謗其法之不善良可悲哉

子和過譙郡營中一卒歎出妻問其故卒曰妻為室女
時心下有積形如覆杯按之水聲熨之如水聚已十五

年矣子和曰爾勿出也用吾言病可除孕可得子和診其脉沉遲尺脉洪大有子之候可踰月而孕卒曰感德不淺載用三聖散服吐涎一升心下軟次用白朮調中湯數月而振子又治一婦人年三十四歲夢與鬼神交驚怕異常及其神堂陰司舟楫橋梁如此十五年音無姓巫祈覲禱無而不效鑽膚灸肉孔穴百千黃瘦發熱引飲中滿足腫委命於天一日謂告載人戴人曰陽火盛於上陰水盛於下見鬼神者陰之靈神堂者陰之所舟楫橋梁水之用兩手寸脉皆沉伏知胸中有實疾凡三湧三泄三汗不旬日而無夢一月而有娠

夏子益

夏子益不知何時人著有恆疾奇方一書皆集奇異怪症世人不識者其方散見時珍本艸綱目載之

有一人頭上生瘡狀如櫻桃有五色破則頂皮分裂連皮剝落至足名曰肉人用牛乳頻飲漸日愈

一人患病和時寒熱不止數日後四肢堅硬如石擊之如鐘磬聲自漸瘦急用吳茱萸木香等分煎湯早晚服愈

一人大腸頭出寸餘痛苦難堪甚乾則退落又出又落名截腸痛若日久腸盡不救但初覺截寸餘可治用芝麻

油器盛以臂生浸又日飲麻子汁數盞而愈

一人口鼻流血腥臭以碗盛之有鐵色煖魚米大走躍
不住以手捉之即化為水此肉敗壞之症任意饌食雞
肉自愈

宏翰按世人恠異奇症不時有之無柰世醫置而不究
以致遇而不識我有怪異之疾采錄成帙名曰恠症良
方內復子益方三十餘種華陀徐嗣伯周顧並宏翰治
驗者共七十餘種皆奇異恠形之病人所少觀者以備
後學博究濟世云爾

古今醫史卷六終

古今醫史卷之七

古吳浩然王宏翰惠源甫著輯

元

直魯古

直魯古吐谷人也初元太祖破吐谷時得魯古淳親皇后
收養之性聰明精醫理馬上視疾能知標本生死善針灸
太祖時為太醫令侍御醫集有脉訣針灸等書

耶律楚材

耶律楚材博極群書通天文地理律曆術數醫卜之說隨
元世祖征討有功拜中書令一日帝疾篤醫言脉已絕皇

后召楚材問之對曰今任使非人因擊非辜者多古人一言而善莢或退舍請赦天下囚徒后即赦行之楚材曰非君命不可俄頃帝少蘇奏請肆赦帝首肯是夜醫者候脉復生翌日瘳宏翰曰楚材上體天心好生之德君又聽良言仁政之實其病得愈乃真德寔善之報也宏翰一生自愧無德深夜每思日之所為稍有不合恐神鑒察凡人有遭患難染危疾者予每勸行一真善而真善扶危濟困間有真心肯行無不化凶為吉或有力能行吝財而不顧惜言為善不能逮及者何踏危殆乃不恤嗚呼身死空留田產而婦焉有此等之事通世不悟難以勝述那以龜世

麻九疇

麻九疇字知幾莫州人三歲能識字七歲能作書作大字章廟召見上問汝入宮殿懼否對曰君臣父子也子寧懼父耶上大奇之長通經史少時因得惡疾從子和學醫盡得其妙濟活甚多

李杲

李杲字明之號東垣元時真定人也幼明敏通春秋書易為人忠信有守富而好施援例為濟源監稅官性好醫聞易老張元素以醫名携千金往從之受業數年盡得其妙益加闡發人稱神醫而謂世人惑于內傷外感混同施治

乃辨其脉證元氣陰火飲食勞倦有餘不足著脾胃論三
卷辨惑論三卷推以素問難經本草脉訣及雜病方論醫
學發明九卷蘭室秘藏五卷辨析經絡脉法分比傷寒六
經之則此事難知二卷立補中益氣湯為王道之本實醫
家之宗別有癰疽眼目諸書及試効力其門人所集述也
東垣治一人二月病傷寒發熱醫投白虎湯病者面黑
如墨本症不復見脉沉細小便不禁奈初不知用何藥
及診之曰此立夏前誤用白虎之過白虎湯大寒非行
經之藥止寒府藏不善用則病隱曲於經絡間或更
以大熱藥投之以若陰邪則他病必起非所以救白虎

也以溫藥之升陽行經兩服而愈

王好古

王好古字進之號海藏古趙人東垣高弟醫之儒也性明敏通經史任趙州教授兼提舉管內醫學所著醫壘元戎十二卷醫家大法三卷仲景詳辨活人節要歌湯液本草二卷斑疹論光明論標本論傷寒辨惑論小兒吊書等書行世海藏治趙宗顏因下之太過生黃脉沉細遲無力次第用藥至茵陳附子湯大効按次第用藥者謂先投韓氏茵陳茯苓湯次茵陳橘皮湯再次茵陳附子湯也又一人患傷寒得汗數日忽身熱自汗脉弦數心不寧真勞

復也王診之曰勞心之所致神之所舍未復其初而又勞傷其神營衛失度當補其子益其脾解發其勞庶幾得愈授以補脾湯佐以小柴胡湯解之千金曰心勞甚者補脾則感於心矣此勞當補其氣以益脾此論人所未及

羅天益

羅天益字謙甫真定人東垣弟子潛心若學真積日久居東垣門下十餘年盡得其抄著有衛生寶鑑二十四卷藥誤永鑑藥類法象乃醫林之白眉也

謙甫治太尉忠武史公年近七十於至元十月初侍國師於聖安寺因左頰踈緩被風寒客之類急口喎於右

脉得洪緊羅先左頰灸地唐七次灸頰車穴二七壯後
於右頰上熱手熨之議以升麻湯加防風秦艽白芷桂
枝發散風寒數服而愈或曰世醫多用續命等湯今用
升麻湯加四味其理安在曰足陽明經起于鼻交頰中
循鼻外上入齒中手陽明亦貫于下齒中光兩頰皆屬
陽明升麻湯乃陽明經藥白芷又行手陽明經秦艽治
口噤防風散同桂枝寔表而固營衛使邪不傷故用之
以速愈也

危亦林

危亦林號達齋南豐人精岐黃官醫學教授編世醫得效

方十九卷行世

吳 恕

吳恕字如心號蒙齋浙江仁和人也精醫理著傷寒指掌圖編次歌括裨益後學

李慶嗣

李慶嗣洛陽人少舉進士不第遂業醫洞徹玄機活人世多著傷寒集論四卷訂活人書二卷鍼經一卷年八十而逝

范 益

范益燕京人醫甚精猶神於脉年七十時有老嫗居西山

請往診其女益以倦騎乘為辭姬出頃之携二少女至蓋
診而詰之曰此非人跡乃妖角耳姬跪告曰妾本狐類久
住世間得日月之精華故能变幻人形二女偶患疾苦知
君仁厚存活為心故敢求藥益隨與藥印和其往來禁城
如入無人之境何也掘曰此時真主已在漢梁京城諸神
俱往彼處是以得出入也逾年明太祖果克燕京元帝北
遁歿使人稱為神醫之說

正誤宏翰曰夫狐果歲久能得日月之精氣以成妖又
能变幻人形則病不能侵矣何得染疾求藥於醫以理
推論此以魔附託見形侮弄世人也或范益設言以奇

異書雜錄惡人至狐能出入禁城言真主在濠梁諸神
往從之說此即如漢高祖斬蛇之事皆假託之說言也
夫真主出世乃天命所歸自有豪賢輔佐理勢已定然
臣下與託此奇異之言乃欲驚服天下之衆心也蓋妖
精怪異皆邪魔附託故有邪不勝正之說評慎云歌妖
獸鬼所乘也夫狐乃野獸其性疑渡水善聽為魅但魅
從鬼則非狐之能變乃邪魔之附會也但世之男女先有
邪淫之念存于心高魔得以知之則附托有形之物以
迷惟止本人獨見魔形而旁人不得見也則知其魔本
人之身心明矣若人能悔過心心則其妖魔立消何敢

現形也

尚從善

尚從善明醫理仕上都萬全司惠民局提點著本草元命苞若干卷

潘環

潘環字溫叟善醫精診視有異見一婦懷孕二歲一婦孕十四月俱不產環診之曰非孕乃疾也作劑飲之孕二歲者下肉塊百餘十四月者下一大蛇二婦俱得活無恙

王珪

王珪字均章號中陽老人吳郡人也志行高潔見道真明

尤邃於醫學屏世屢隱居吳之虞山人稱為隱居所著方
書起出即表自幼及壯至耄洞緝有序論證有旨至于老
疾諸飲挾火為患究晰精詳製有滾痰丸方最有神效奉
定生論其立方神異後學賴之

周 順

周順鄱陽人醫有十全之功治一士人得腳弱病積藥如
山悉令屏去用杉木為桶濯足及令排樟腦于兩液間以
布繫定月餘腳健如故

許國貞

許國貞字進之為元祖翰海留守掌殿學道常人藥有奇

效世祖患疾進藥味苦不飲貞曰良藥苦口利于病忠言
逆耳利于行世祖然之遂飲藥而愈

吳瑞

吳瑞字瑞卿元文帝時海寧人也明醫理取本草內切于
飲食者集日用本草八卷

羅知悌

羅知悌字子敬世稱太無先生精于醫術得劉完素之傳
旁通張從正李杲二家之書有異見性孺靜僻厭與人接
惟彥修為得意弟子遂盡教以其所學 有一僧病黃瘦
倦怠子敬詢其病僧乃蜀人出家七年遊浙右忽一日念

母之心不可違教婦不得朝夕望泣以得是病時僧二十
五歲羅令其陽壁就宿每日以牛肉猪肚甘肥等煮靡爛
与食以言慰之又許路費我不望報經年月其形稍甦与
桃仁承氣湯一日三貼下之皆血塊疲積方止次日只与
熟菜移粥将息半月如故与鈔遂行其用攻擊之法必令
人充寔稟氣方可行之病根去而不復也

朱震亨

朱震亨字彥修號丹溪浙之義烏人自幼好學日記千言
得朱子四傳之學聞許文懿公講道入華山而拜從焉壹日
懿公謂也疾以久非精于醫者弗能起子多敬穎肯遊藝

予醫而濟人予丹溪以母病脾胃予醫亦曾粗習及聞懿公
言復致力予醫方既而悟曰執古方以療今疾其勢難全
必也參之以靈素活撥權衡乃能濟世遂出遊求師渡垣
方橋乃大悟及遇武林秦定乙丑夏聞羅太無先生即往
拜之數謁方得接之以劉張李三家之書為之敷揚其旨
彥修受教而醫益神名著四方求療者輻輳于道按證施
方錄為醫案可考著有格致餘論局方發揮金匱勾玄心
法纂要外科精要等書行義補遺傷寒辨疑風水問答諸
書其論陽易于動陰易于虧獨重滋陰降火蓋補東垣之
未發也 又丹溪手鏡一書

元

丹溪治一人患滯下一夕昏仆手舒撒目上視漫注汗
大洩喉如拽鋸脉大無倫次此陰虛陽暴絕也蓋得病
後而色所致急灸氣海穴以續陽氣漸甦服人參膏數
觔而愈 又邵璠一患傷寒發熱胸疼痛如刀刺此小
腸經病也小柴胡加木通前胡燈心 又治黃進年五
十六將飲酒患傷寒瘧熱口乾如火燒補中益氣湯加
鷄距子八分入甘蔗汁二合芍藥地黃汁當歸川芎各
一錢服愈

滑 壽

滑壽字伯仁號櫻寧生世為許襄城大家元初父宦江南

自許能居儀真而生壽幼敏穎習儒日記萬言操筆為文
辭有思致尤精于樂府師王居中求醫學居中教以軒岐
素問之旨公受之既終卷曰素問為說備矣篇次無緒錯
類分門公遂論次分列脉候病能藏象經度針刺運氣別
簡良多鈔而讀之曰素問鈔居中曰善哉予學得其道矣
自是生學日進益參張仲景李時之劉守真三家之秘所
療無不神效取內經骨空論及靈樞本腠篇所述經脉著
為十四經發揮三卷又診家樞要一卷讀傷寒論鈔痔瘻
篇本草會韻等書宏翰曰滑氏本草會韻書目按李時
珍本草綱目凡明紀以前諸本草云不廣搜彙全獨云滑

氏本草會韻書名恐當時未經刊刻故正在滑氏有傳故
他書云載也其傷寒鈔痔瘻篇亦云從查考也

伯仁治一婦暑月身冷自汗口渴煩躁欲卧泥水中滑
診其脉浮而數沉豁然重散索問曰脉至而從按之不
鼓諸陽皆然此陰盛隔陽得三飲食生冷坐卧風露煎
真武湯冷飲之一進汗止再進煩燥去三進平復如初

徐文中

元徐文中字用和宣州人也治為縣吏績為安陸府吏授
紹興路知事精醫理善針灸

葛應雷

葛應雷字震父，括蘇人。精於醫，著《醫學會同二十卷》、《推五運六氣之標本》、《察陰陽升降之本》、《肯定臟腑之靈寶》、《經絡氣血之流注》。其療病者，回生率與他醫異。由平江醫學教授擢浙江醫學提舉。

葛乾孫

葛乾孫字可久，震父之子。性聰慧，膂力絕倫，擊刺戰陣，百家技靡不精。究及長，折節讀書，應進士。屢選，遂不復應試。習父醫理，術寔跨竈。仁厚濟人，求療不分貴賤，輒盡心藥之，无不皆效。著有《醫學啓蒙》、《十二經絡論》、《十藥神書》三種。行世。宏翰按：《傳云》：勇士言其長于武，士子言其長于文。

方士言其長子醫然皆未親其學之至也居于血氣既定
資質既變之時方將舉聖人之道而修之凡所稱譽皆居
所獻棄而羞道者使當世知君而用之功業豈小哉

可久治一士人得傷寒症不得出汗比葛往視則瘡狂
陷河而走葛就捧水中使桀不起良久出之裹以重繭
得汗解宏翰曰此可久因火症而就水涼之則智醫也

周 真

周真字子固號玉田隱者儀真人也性敏好學元貞間被
荐不仕乃習于醫每遇奇疾以意與藥輟效 治一婦因
產子舌出不能收公以珠砂傳其舌令作產子狀以兩女

扶掖之乃于壁外置瓦盆隨地作聲婦聞聲而舌收矣

黃子厚

黃子厚江西人与滑壽全時至治天曆間其術甚行与虞文靖公相善治一富家子年十八病逆體肌肉折裂公乃屏人詰病者曰幼童時曾近女色否曰當十二三歲曾近之矣公曰古云精未通而御女則四體有不滿之虞後日有難狀之疾在法為不可治後果惡汁淋瀝痛絕而死

項昕

項昕字彦章號抱一翁東嘉人世醫年未成童時誦岐素扁難叔和脉經稍長學易因母病誤藥勵志醫術拜越江

大儒韓明善又注見葛可久論劉張之學授太醫院使善
按摩著脾胃論以補東垣未備

李仲南

李仲南字迺季號碧山天池人平生宏世俗喟好性孝歆
壽雙親與孫允賢著永類鈴方行世

程德齊

程德齊恭定間人也精醫理善傷寒著有傷寒鈴法傷寒
會要傷寒一掌金三書行世

趙嗣真

趙嗣真存學善醫參究仲景之法而述著傷寒論行世

王履

王履字安道元末時崑山人也性敏明學究天人文章冠世極探醫源直窮妙奧推演東垣之旨謂其不著有餘之傷故著內傷餘義及辯議傷寒立法書名朔泗集一大卷行世外又著百病月玄二十卷醫韻通書一百卷此二書宏翰按明時徐春甫已云韵統鈞玄二書未見使二書若存其有補于醫道豈小哉顧其真書淪沒而脈訣銓法等偽書行世豈天下不欲使醫道暢明乎等語予意二書當時安道纂述有稿未經刊行或元末世亂板毀泯滅不傳乎

趙良

趙良字以德號雲居江浦人丹溪之弟子有高致精醫術張士誠據吳時召之不往挈家隱華亭鄉中以活人爲心醫造閭奧沉疴悉能起著有醫學宗旨金匱方衍義等書行世

倪惟德

倪惟德字仲賢號軟山老人元末時吳郡人也涉獵經史博聞強識受書於湯碧山得其疏通知遠之旨尤究軒岐之奧活人甚多著原機啓後二卷又訂張季川醫說等書

呂復

呂復字元膺號滄洲翁四明人博學精醫有異見凡遇奇病輒以奇方治之云不應驗者有傷寒內外編說等書行及評諸醫論二書行世

有一人兩目視物皆倒植求療於翁詢其由乃大醉後得大吐須臾兩目視物則倒翁診其脉左關浮但知其飲酒大吐上焦反覆以致胆府顛倒視物則然法當復吐以正其氣遂用藜蘆灰蒂撒以酒之後則復吐而自愈又治一女孩病嗜卧面頰赤而身不熱醫以慢驚治之薰旬不愈翁診其脉右關獨滑而數他部大小等

而和曰此女云病^脉因滑謂有積食意乳母嗜飲酒後輒
乳致今女醉非風也及詰其內果然遂以枳殼薑花日
二三服而愈

宏輅按元膺治醉後大吐須臾視物則倒以上焦反覆
致胆府顛倒用藜蘆散湧之復吐而愈之說予意酒及
濕熱生痰之物耳醉後大吐是以用湧吐宣氣同痰之
法得愈也蓋胆附肝葉間一定不移何能使之顛倒乎
予擬議以正之

戴起宗

戴起宗字同父建業人仕元龍興路儒學教授諸生以聖

賢實學為務謂醫乃性命之學遂潛心考究內經之旨撰
五運六氣論刊脉訣誤疫癘方論三書行世其言辟邪說
正本源有裨益後學其功宜泐鮮哉

吳 登

吳澄字草廬元之名儒也文學造乎明敏醫理達乎深奧
議論過人且有確究著有草廬集內講論醫理精妙異常
大益後學

謝 縉 翁

謝縉翁字堅白元泰定間人精醫註釋難經為五卷行世

陳瑞生

陳瑞生字廷之南明醫理詳究內經有註釋難經梓行世

袁坤厚

袁坤厚字淳甫性存學參考靈素時難經逐一註釋梓世

徐止善

徐止善字 宛仲景之法補論傷寒前人未言者著傷

寒補志論若干卷此書以時已不見矣

王世相 錢溥

王世相河東人錢溥雲間人 宏翰按李時珍脈學內有
脈訣考證引據王錢二人辨論脈訣乃高陽生假託王叔
和之名又被俗學妄注以致家傳戶誦之說則知二人俱

有著述今皆亡矣

附評諸醫論附呂滄州醫評

扁鵲醫如秦鏡燭物妍媸不隱又如奕秋遇敵著之可

法觀者不能測其神機

倉公醫如輪匠斲輪得心應手自不能以巧思語人

張長沙醫如湯武之師云非王道其攻守奇正不以敵
之大小皆可則勝

華元化醫如庖丁解牛揮刀而肯綮無碍其造詣自當
有神雖教師而不可得

孫思邈醫如康成註書詳于制度訓詁其自得之妙未

易以示人味其膏腴可以無饑矣

龐安常醫能登扁鵲之所秘法元化之可法使天假其年其所就當不在古人下

錢仲陽醫如李靖用兵度越縱舍卒与法會其指以顧顓方書名于時盖因扁鵲之因時所重而為之變爾

陳無擇醫如老吏斷案深於鞠讞未免移情就法自當其任則有餘使之代治則繁劇

許叔微醫如顧愷寫神：氣有餘特不出形似之外可模而不可及

張易水醫如濂溪之圖太極分陰分陽而包括理氣其

要以古方新病自為家法或者失察則欲指圖為極則
近乎畫蛇添足

劉河間醫如索駝種樹所在全活但假冰雪以為春利
於松柏不利於蒲柳

張子和醫如老將對敵或陣兵背水或濟河焚舟置之
死地而後生不善效之非實潰則北矣其門三法蓋長
沙之緒餘也

李東垣醫如然弦新絃一鼓而竿籟並熄膠柱和之七
均由是而不諧矣無化希声之妙非閑指所能知也

嚴子禮醫如歐陽洵寫字善守法度不尚飄逸學者易

於摹倣終乏漢晉風度

張公度醫專法仲景如簡齋賦詩每有少陵氣韻

王德膚醫如虞人張羅廣絳原野而范脫殊多詭遇獲
禽云豈真者德膚是宋人也